



NEWSLETTER BR. 34

OKTOBAR 2017

SADRŽAJ

FIPA AKTIVNOSTI ≡

- » FIPA: Crans Montana Forum će organizirati investicijsku konferenciju za BiH
- » FIPA učestvovala na javnoj raspravi u Gračanici
- » FIPA na godišnjem zasjedanju Crans Montana Forum (CMF) u Briselu
- » Tehnička ekipa iz Kine radi na pripremi realizacije projekta TEKamengrad
- » Posjeta stranim kompanijama u Žepču
- » Posjeta kompaniji UNITIC
- » FIPA učestvovala na 4. privrednom forumu žepče 2017.
- » Novoimenovani ambasador BiH u Norveškoj posjetio FIPA-u
- » Vlasnik projekata Sunnyland i Emirates u FIPA-i
- » Aftercare posjeta kompaniji Lena doo Sarajevo
- » FIPA na sajmu Expo Real Minhen
- » Nerezidentni ambasador Republike Koreje za BiH posjetio FIPA-u
- » Novoimenovani konzul BiH u Frankfurtu posjetio FIPA-u

POSLOVNE VIJESTI ≡

- » Švedska firma Kavat otvorila pogon u Novom Travniku
- » Kompanija Symphony planira proširenje kapaciteta i nova ulaganja
- » U industrijskoj zoni Luke u Ilijašu otvoren poslovni objekat za proizvodnju bačvi
- » Ferretto Group gradi fabriku
- » Švicarski Forster Rohner otvorio pogon na Ilidži



REGIONALNI FORUM ZA
TRŽIŠTE, INVESTICIJE
I STATISTIKU

Međunarodna konferencija o regionalnom tržištu razvoju statistike i mogućnostima investiranja

06. - 08.11.2017.

Hotel Holiday, Sarajevo

REGISTRACIJA NA www.forumtis.net

AKCIJSKA CIJENA 300 KM (150 €)



POZIV ZA UČEŠĆE NA MEĐUNARODNOJ KONFERENCIJI O REGIONALNOM TRŽIŠTU, RAZVOJU I MOGUĆNOSTIMA INVESTIRANJA



Agencija za unapređenje stranih investicija u BiH, Savez nevladinih organizacija Horizont 2024, Agencija za statistiku BiH, Vanjskotrgovinska komora BiH i drugi partneri iz regije (Srbija, Hrvatska, Crna Gora, Turska) i EU, organiziraju Međunarodnu konferenciju o regionalnom tržištu, razvoju statistike i mogućnostima investiranja, koja će se održati od 06. do 08. novembra 2017. godine u Sarajevu. Ovo je jedna od najznačajnijih konferencija u regiji koja podržava suradnju vladinih institucija, međunarodnih organizacija, poslovnog sektora, akademske zajednice i nevladinih organizacija sa namjerom stvaranja boljeg poslovnog okruženja, razvoja tržišta i konkurentnosti, kao i zajedničkog planiranja i realizacije regionalnih projekata. Konferencija afirmira mogućnosti regionalnog investiranja, promovira značaj statistike, informacionih tehnologija i razvoja u oblastima industrije, tržišta kapitala, rada, poljoprivrede, energije i turizma. Konferencija je organizovana u četiri panela: panel tržište, panel investicije, panel statistika i panel istraživanje i razvoj. Panele moderiraju i koordiniraju predstavnici organizacija iz BiH, Republike Turske, Republike Srbije, Republike Hrvatske, Republike Crne Gore i dr. Na konferenciji će prisustvovati predstavnici investicijskih fondova, privrednih i vanjskotrgovinskih komora, berzi, ambasada, institucija za investicije, univerziteta, međunarodnih organizacija, kompanija, kao i drugih vladinih i nevladinih organizacija. Na konferenciji će biti predstavljeni odabrani projekti i istraživački radovi iz ekonomsko-socijalnih oblasti, kao i izložene mogućnosti zajedničkog učešća kompanija iz regije na međunarodnom tržištu. Učesnici će imati i posebnu priliku da se upoznaju sa efikasnim načinima poslovanja, najnovijim poslovnim trendovima i načinima apliciranja za sredstva EU fondova. Sve informacije o konferenciji i prijavi učešća možete pronaći na web portalu www.forumtis.net ili kontaktirati na tel.: + 387 33 217 391; mob.: + 387 61 011 198 i e-mail: info@forumtis.net

FIPA AKTIVNOSTI ≡



FIPA: CRANS MONTANA FORUM ĆE ORGANIZIRATI INVESTICIJSKU KONFERENCIJU ZA BIH



FIPA UČESTVOVALA NA JAVNOJ RASPRAVI U GRAČANICI



...I JOŠ FIPA AKTIVNOSTI...



FIPA: CRANS MONTANA FORUM ĆE ORGANIZIRATI INVESTICIJSKU KONFERENCIJU ZA BIH



Učestvujući na godišnjem zasjedanju Crans Montana Forum (CMF) u Briselu od 25 do 27. oktobra 2017, direktor FIPA-e Gordan Milinić susreo se između ostalog i sa predsjednikom ovog Forumu Pierreom Emmanuelom Qurinom i osnivačem Forumu ambasadora Jean-Paulom Carteronom kako bi razgovarao o mogućnostima suradnje na promociji Bosne i Hercegovine i njenih potencijala širom svijeta. Navedeni predstavnici predložili su organiziranje investicione konferencije o BiH u Sarajevu u 2018. godini na koju bi pozvali privrednike i investitore iz cijelog svijeta, brojne dužnosnike i predstavnike vlada i međunarodnih organizacija, kao i donosiocce odluka i uticajne ljude iz sfere politike i privrede.

S obzirom na svjetski ugled navedene organizacije u političkim i privrednim krugovima i njen uticaj u poslovnom svijetu, kao i brojne poslovne i političke kontakte kojima raspolaže, organiziranje jedne takve konferencije bi bilo od velikog značaja za dolazak investitora u BiH, promociju zemlje u međunarodnoj poslovnoj zajednici, te poboljšanje imidža. Na poziv FIPA-e, predstavnici Crans Montana Forumu će posjetiti BiH krajem novembra kako bi se razgovaralo sa nadležnim organima BiH o organiziranju investicijske konferencije u 2018. godini.

Imajući u vidu nedostatak promocije BiH i njenih privrednih mogućnosti u inostranstvu, organiziranje investicijske konferencije u suradnji sa CMF bi imalo značajan uticaj na poboljšanje imidža zemlje i promociju mogućnosti za ulaganje, promociju privrednika i nosilaca investicijskih projekata.



FIPA UČESTVOVALA NA JAVNOJ RASPRAVI U GRAČANICI



U organizaciji Udruženja poslodavaca FBiH, FIPA-e, Privredne komore FBiH, Vijeća stranih investitora (FIC) i Predstavništva njemačke privrede u BiH (AHK BiH), održana je javna rasprava po prijedlogu Zakona o porezu na dohodak, Zakona o doprinosima i Zakona o porezu na dobit, 24. oktobra u Gračanici i Tuzli.

Prije rasprave je održana prezentacija poslodavcima iz realnog sektora o efektima predloženih, prijedloga Zakona. Učesnici rasprave su ukazali i na činjenicu da je prisutan sve veći odlazak mladih, te da će to negativno uticati na tržište radne snage u BiH. Između ostalog, iznešeno je i da država treba efikasnije da se bori sa sivom ekonomijom, da se porez na dobit smanji, te da se smanji preobimna državna administracija. Primjedbe su iznesene i na nejasne definicije u predloženim Zakonima.

Kako se radi o izuzetno važnim zakonima za dalji razvoj realnog sektora, stav poslodavaca u Gračanici i Tuzli je bio da predložena zakonska rješenja nisu zadovoljavajuća, te da će na sporne članove uložiti prijedloge amandmana. Pripremljeno je 15 prijedloga amandmana. Javne rasprave traju 60 dana i zakazane su u 10 gradova u FBiH. Sugestije i primjedbe učesnika javnih rasprava, će biti upućene Vladi FBiH.



FIPA NA GODIŠNJEM ZASJEDANJU CRANS MONTANA FORUMA (CMF) U BRISELU



Agencija za unapređenje stranih investicija u BiH (FIPA) učestvuje kao predstavnik Bosne i Hercegovine na godišnjem zasjedanju Crans Montana Foruma u Briselu na osnovu poziva predsjednika ovog Foruma g. Pierrea Emmanuela Quirina i osnivača Foruma ambasadora Jeana-Paula Carterona.

Cilj učešća FIPA-e na Crans Montana Forum-Homeland & Global Security Forum je upoznavanje političara i poslovnih ljudi iz cijelog svijeta sa potrebom investicione podrške ekonomskom razvoju Bosne i Hercegovine. Forum predstavlja idealnu priliku za lobiranje i razgovor o ekonomskim regionalnim, europskim i globalnim perspektivama Bosne i Hercegovine. Ovo je prilika da se govori o napretku koji je naša zemlja postigla i izazovima koji se nalaze pred Bosnom i Hercegovinom.

Na Forumu je najavljeno sudjelovanje velikog broj kompanija i poduzetnika, te brojnih dužnosnika vlada i parlamenata europskih zemalja i međunarodnih organizacija. Na plenarnom zasjedanju Crans Montana Foruma direktor FIPA-e Gordan Milinić će dobiti priliku da govori o investicionim potencijalima Bosne i Hercegovine i da pozove prisutne poslovne ljude da dođu u BiH i uključe se u realizaciju niza atraktivnih projekata.

CMF je jedan od najprestižnijih ekonomsko-političkih foruma u Europi i svijetu na kojem se susreću ključni donosioci odluka radi dogovora o definiranju dinamike i realizacije projekata od međusobne važnosti.



TEHNIČKA EKIPA IZ KINE RADI NA PRIPREMI REALIZACIJE PROJEKTA TE KAMENGRAD



Direktor FIPA-e Gordan Milinić održao je sastanak sa Liu Weijie, glavnim inženjerom kompanije TEPC Overseas Engineering Company. Na sastanku se razgovaralo o finaliziranju priprema i tehničkim detaljima za realizaciju projekta Rudnik i TE Kamengrad (Sanski Most), ukupne vrijednosti 1.020.000.000 KM.

Na predstojećem godišnjem susretu premijera Narodne Republike Kine i 16 zemalja centralne i istočne Europe u Budimpešti, predviđeno je potpisivanja konačnog sporazuma o realizaciji investicije sa vlasnikom projekta, kompanijom Lager doo.

Realizacija ovog strateškog projekta će doprinijeti u velikoj mjeri ekonomskom razvoju kako lokalne zajednice, kantona, tako i Bosne i Hercegovine, te će imati veliki uticaj na zapošljavanje.



POSJETA STRANIM KOMPANIJAMA U ŽEPČU



U okviru Aftercare programa za 2017. godinu, 19.10.2017. godine, održan je sastanak sa direktorom i suvlasnikom kompanije Pro 9 d.o.o. Danijelom Jukićem i direktorom proizvodnje Tadijom Filipovićem. Kompanija se bavi proizvodnjom visoko energetski efikasnih i vatrootpornih modularnih panela, za fasade, pregradne zidove i prozore. Kompanija Pro 9 d.o.o. je kćerka firma, kompanije Pro 9 Global, koja posluje u Australiji i na Novom Zelandu, a prisutni su i u Hrvatskoj i Njemačkoj. Izvozno su orijentirani, a ciljana tržišta su im Australija, Novi Zeland, Dubai, Njemačka i ostale europske zemlje.

U BiH su počeli sa radom u 2016. godini i počena investicija je iznosila 1 milion australijskih dolara. Do sada su reinvestirali 3 miliona australijskih dolara. Trenutno imaju 12 zaposlenih i u naredne tri godine planiraju nove investicije od 3 miliona australijskih dolara i zapošljavanje 70 novih radnika. Trenutno se proizvode fasadni i pregradni paneli, a planirana je i proizvodnja prozora. U planu je i otvaranje još jednog postrojenja u Odžaku. U neposrednoj budućnosti planiraju ulaganje u logistiku kako bi obezbjedili što kvalitetniju isporuku proizvoda. Takođe planiraju slanje 10-15 radnika na srtručno usavršavanje u Australiju. Pored navedene firme, obavljena je i posjeta kompaniji Bećirović d.o.o. Sastanak je održan sa direktorom i suvlasnikom, Nazimom Bećirovićem. Kompanija Bećirović d.o.o. se bavi uzgojem pilića i uslužnim djelatnostima. Trenutno posjeduju benzinsku pumpu, vulkanizersku radnju i tržni centar sa fitnes salom i restoranom a obavljaju i usluge prevoza. Suvlasnik kompanije je iz Švajcarske. Do sada su uložili 2 miliona KM i zapošljavaju 25 radnika. U naredne tri godine planiraju reinvestiranje od 2 miliona maraka i zapošljavanje novih 5 radnika. Održan je i sastanak sa direktorom firme Metal Decor Ferro, Mustafom Tutmićem. Osnivač kompanije Metal Decor Ferro d.o.o. je kompanija Metal Dekor iz Čakovca, Hrvatska, koja sa bavi proizvodnjom kotlova, oplata, silosa i čeličnih konstrukcija. U procesu su pronalaženja adekvatne lokacije za proizvodni pogon u BiH. Zapošljavaju 25 radnika koji se trenutno nalaze na obuci u Hrvatskoj.



POSJETA KOMPANIJI UNITIC



U cilju unapređenja poslovnog ambijenta u Bosni i Hercegovini i motiviranja stranih investitora na reinvestiranje, predstavnici Agencije za unapređenje stranih investicija u BiH (FIPA), Općine Centar i Kantona Sarajevo su 09. oktobra 2017. godine posjetili kompaniju „United Investment and Trading Company „UNITIC d.o.o. „ Sarajevo.

Generalni direktor g. Samir Šečić zajedno sa suradnicima je informirao prisutne da kompanija UNITIC d.o.o. uspješno posluje već 19 godina u Bosni i Hercegovini. Osnovana je 1998. godine zajedničkim ulaganjem Holding preduzeća “UNIS” Sarajevo i “Kuwait Consulting & Investment Co.” Kuvajt. Vrijednost strane investicije je oko 30 miliona KM uloženi u rekonstrukciju i modernizaciju preuzetog objekta. Trenutno zapošljavaju 75 radnika i imaju planove daljeg širenja poslovne aktivnosti. Djelovanje kompanije je usmjereno na obezbjeđivanje opremljenog i sigurnog poslovnog ambijenta klijentima kao i ostalih sadržaja u skladu sa međunarodnim standardima. Oko 160 klijenata je prepoznalo kvalitet poslovnog ambijenta koji nudi kompanija i svoje sjedište nije mjenjalo dugi niz godina.

Na sastanku se razgovaralo o poslovnom ambijentu i trenutnim uvjetima poslovanja sa stanovišta stranog investitora. Takođe se govorilo o planovima reinvestiranja i fazama realizacije. Tokom sastanka, predstavnicima kompanije UNITIC d.o.o. je pružena je puna podrška za realizaciju planiranih projekata.



FIPA UČESTVOVALA NA 4. PRIVREDNOM FORUMU ŽEPČE 2017.



Predstavnici FIPA-e na čelu sa zamjenicom direktora Damirkom Mioč učestvovali su kao panelisti na 4. Privrednom forumu Žepče 2017.

Organizatori skupa bili su Razvojna agencija Žepče i Općina Žepče uz partnere/suorganizatore CRS i NALED – Nacionalna alijansa za lokalni ekonomski razvoj Srbija.

Stručni skup je okupio predstavnike međunarodnih organizacija, institucija vlasti, privrednih komora, općina/ gradova, udruženja privrednika, privrednike i druge relevantne sagovornike iz Bosne i Hercegovine, Hrvatske, Srbije i Crne Gore.



NOVOIMENOVANI AMBASADOR BIH U NORVEŠKOJ POSJETIO FIPA-UT



U okviru priprema za novu diplomatsku misiju, novoimenovani ambasador BiH u Norveškoj Nedim Makarević posjetio je Agenciju za unapređenje stranih investicija BiH (FIPA) kako bi se informirao o norveškim investicijama realiziranim do sada u BiH, trenutnoj privrednoj suradnji BiH i Norveške, te mogućnostima unapređenja investicija i trgovinske razmjene između dvije zemlje.

Dosadašnja ulaganja Norveške u BiH iznose tek 10,5 miliona KM, dok u 2016 i 2015 nije bilo registriranih ulaganja. Prva norveška investicija u BiH je Norfish Blagaj, dok Arifagić Investment Trnopolje, Kozarac, predstavlja investiciju bh. dijasporo iz Norveške, koju je finansijski podržala Vlada Norveške.

Direktor Gordan Milinić upoznao je ambasadorima sa potrebom uspostavljanja kontakata najprije sa privrednim i industrijskim komorama Norveške radi promocije mogućnosti privrednih sektora BiH, te uspostavljanja tješnje suradnje sa bh. dijasporom koja broji 48.000.

Dogovoren je angažman ambasadora Makarevića na okupljanju norveške privredne zajednice početkom 2018. radi predstavljanja mogućnosti za ulaganja Bosne i Hercegovine u čemu će FIPA aktivno učestvovati.

FIPA raspolaže informacijom o pojačanom interesu Norvežana za ulaganjem u BiH, udvostručenom budžetu Vlade Norveške za pružanje pomoći za ekonomski razvoj i otvaranje novih radnih mjesta zemljama u razvoju, uključujući i Bosnu i Hercegovinu, kao i o spremnosti za podršku investicijama u BiH sektore poljoprivrede, energetike, rudarstva i metalnog sektora, te proizvodnje namještaja.



VLASNIK PROJEKATA SUNNYLAND I EMIRATES U FIPA-I



Vlasnik projekata Sunnyland i Emirates šejk Mohammad bin Saqr Al Qasimi u pratnji suradnika posjetio je FIPA-u kako bi razgovarao sa menadžmentom Agencije o novim investicijama koje planira realizirati u BiH, te o prijedlozima suradnje vezano za osnivanje Vijeća arapskih investitora u BiH i organiziranju sajma bh. privrede u UAE u februaru 2018. Također je istakao kao dobru poslovnu ideju i investiranje putem učešća u dioničkom kapitalu gdje je moguće objediniti privatni i državni kapital. Osim toga, zatražena je podrška FIPA-e u ohrabriranju stranih investitora da ulažu ne samo u Sarajevo, nego i u ostale dijelove Bosne i Hercegovine, poput Tuzle, Bihaća, Mostara, Banja Luke sa ciljem ravnomjernijeg razvoja svih dijelova BiH.

Kada je riječ o turizmu, pored ulaganja u izgradnju hotela i zabavnih sadržaja, BiH pruža mogućnosti za ulaganje u zdravstveni turizam, osnivanje medicinskih ustanova, te izgradnju sportskih sadržaja sa ciljem privlačenja sportskih klubova koji bi u BiH dolazili na pripreme. Šejk Al Qasimi je između ostalog istakao da bi Bosna i Hercegovina mogla privući mnogo više investicija, a i turista, ukoliko bi više radila na svojoj promociji, jer iskustva investitora govore da se u svijetu vrlo malo zna o Bosni i Hercegovini. Također, kada je u pitanju turizam potrebno je mnogo više raditi na njegovoj promociji kako bi BiH privlačila turiste ne samo ljeti nego i u ostalim godišnjim dobima, što sada nije slučaj.

Direktor FIPA-e Gordan Milinić je izrazio spremnost Agencije da usko surađuje sa predstavnicima Sunnylanda i Emiratesa na realizaciji novih investicija i osnivanju Vijeća arapskih investitora u BiH kako bi se izbjegla mogućnost eventualnih zloupotreba i lažnog predstavljanja, te kako bi se znalo ko je pravi investitor.

FIPA će također pružiti potrebnu podršku i za sve ostale prijedloge suradnje.



LENA
BOSNIA & HERZEGOVINA
G R O U P

AFTERCARE POSJETA KOMPANIJI LENA DOO SARAJEVO



Predstavnici Agencije za unapređenje stranih investicija u BiH (FIPA), Općine Centar i Kantona Sarajevo su posjetili kompaniju LENA doo Sarajevo u okviru Programa postinvesticione podrške stranim investitorima. Riječ je o novoosnovanoj kompaniji koja je članica grupacije Lena Group iz Portugala i koja posluje na tržištu Amerike, Afrike, velike Britanije, Bugarske, Rumunije i Srbije.

Kompanija posluje po europskim standardima i usmjerena je na investicije u oblasti inženjeringa, građevinarstva, zaštite životne sredine, putne infrastrukture i energije.

Tokom sastanka se razgovaralo o aktuelnim projektima u BiH jer je kompanija u fazi istraživanja i pronalaženja projekata za investiranje. Direktor kompanije g. Adnan Jugo je istakao da u BiH postoje projekti u oblasti građevinarstva, zaštite životne sredine (deponije) i infrastrukture za koje je kompanija zainteresirana. Mmedutim, ono što je potrebno jeste definirati do kraja ciljeve projekta i uvjete koji se očekuju od stranog investitora.

Razgovaralo se i o javno-privatnom partnerstvu i načinu ralizacije ove vrste projekata.



FIPA NA SAJMU EXPO REAL MINHEN



Predstavnici Agencije za unapređenje stranih investicija u BiH (FIPA) na čelu sa direktorom Gordanom Milinićem posjetili su sajam Expo Real u Minhenu, koji se održava od 4. do 6. oktobra 2017. godine kako bi se susreli sa potencijalnim stranim investitorima, predstavili mogućnosti za ulaganje i konkretne investicione projekte kojima raspolaže Bosna i Hercegovina.

Pored sastanaka sa stranim investitorima, u okviru sajma, predstavnici FIPA-e su održali sastanak sa gđom Chen Jin, direktoricom SINO-CEEF fonda za Europu i njenim suradnicima. Razgovarano je o mogućnostima suradnje dvije institucije, predstavljene su aktivnosti Agencije, mogućnosti za ulaganja u BiH i trenutno raspoloživi investicioni projekti. Predloženo je i potpisivanje Memoranduma o suradnji radi promocije mogućnosti za ulaganja u BiH.

Održan je i sastanak sa predstavnicima Generalnog konzulata BiH radi budućih zajedničkih aktivnosti na promociji i privlačenju njemačkih investitora u BiH.

EXPO REAL je najveća manifestacija ove vrste u Europi, na kojoj preko 80% učesnika čine sami investitori i donosioci odluka. Sajam je idealna prilika za uspostavljanje kontakata i predstavljanje projekata potencijalnim investitorima, kao i upoznavanje sa najnovijim trendovima iz industrije.



NEREZIDENTNI AMBASADOR REPUBLIKE KOREJE ZA BIH POSJETIO FIPA-U



Zamjenik direktora i sekretar Agencije za unapređenje stranih investicija BiH (FIPA) Damirka Mioč i dr.sc. Maida Bećirović primile su nerezidentnog ambasadora Republike Koreje za BiH Nj.E. Park Won-sup sa suradnicima 3. oktobra 2017. godine.

Ambasador Won-sup je posjetio FIPA-u kako bi se informirao o mogućnostima za ulaganje u Bosni i Hercegovini, uspješno realiziranim stranim investicijama, te razlozima zbog kojih još uvijek nisu potpisani ugovori o zaštiti investicija i ugovori o izbjegavanju dvostrukog oporezivanja između BiH i Republike Koreje.

Održana je prezentacija o mogućnostima ulaganja u BiH sa osvrtom na energetske i metalni sektor, te IT, industriju autodijelova i turizam. Delegacija ambasade je također upoznata sa nadležnostima FIPA-e i uslugama koje pruža stranim investitorima.

U pratnji predstavnika FIPA-e, delegacija je posjetila Prevent Visoko kako bi se upoznali sa radom jedne od najvećih kompanija u BiH.



NOVOIMENOVANI KONZUL BIH U FRANKFURTU POSJETIO FIPA-U



U okviru priprema za diplomatsku misiju, novoimenovani konzul BiH u Frankfurtu Lučijano Kaluža posjetio je FIPA-u radi upoznavanja sa mogućnostima koje Bosna i Hercegovina može ponuditi njemačkim investitorima radi ulaganja.

Direktor Agencije za unapređenje stranih investicija BiH (FIPA) Gordan Milinić je istakao činjenicu da je u uloga DKP mreže da otvori vrata institucijama BiH za suradnju sa inostranstvom, te da je u ovom poslu najvažnije imati volju, a potom i viziju kako animirati stranog investitora da se zainteresira za Bosnu i Hercegovinu i njene potencijale.

Konzul je upoznat sa aktivnostima FIPA-e na suradnji sa postojećim stranim investitorima u BiH, uspostavljanju kontakata sa novim investitorima, promociji BiH i prezentiranju projekata kako u inostranstvu tako i u BiH, kao i njemačkim kompanijama koje posluju u BiH.

Istaknuto je da se Njemačka nalazi na 7. poziciji po visini ulaganja u BiH, te da postojeći njemački privrednici koji posluju u našoj zemlji, najavljuju nova ulaganja. Istakao je da će u svojim aktivnostima prioritet dati traženju novih investitora iz oblasti auto-industrije i poljoprivrede, te da će raditi na povezivanju privrednika dvije zemlje, te uspostavljanju kontakata sa njemačkom privrednom zajednicom.

G. Milinić je zaželio novom konzulu uspješan rad uz želju za što boljom suradnjom između Konzulata BiH u Frankfurtu i FIPA-e na planu dovođenja njemačkih investitora.

POSLOVNE VIJESTI ≡



ŠVEDSKA FIRMA KAVAT OTVORILA POGON U NOVOM TRAVNIKU



KOMPANIJA SYMPHONY PLANIRA PROŠIRENJE
KAPACITETA I NOVA ULAGANJA



...I JOŠ FIPA POSLOVNIH VIJESTI...



ŠVEDSKA FIRMA KAVAT OTVORILA POGON U NOVOM TRAVNIKU

Švedske firma za proizvodnju obuće, Kavat, je pokrenula novi pogon koji će, uz postojeću proizvodnju u Travniku, otvorenu 2009. godine, zapošljavati više od 150 radnika. Kavat AB Švedska je firma obuće koja postoji od 1945. godine.

Na prostoru Balkana pojavila se 2005. godine, u svojstvu kupca u raznim fabrikama. Firmu u Travniku otvorila je 2009. godine te uposlila 70 radnika.



KOMPANIJA SYMPHONY PLANIRA PROŠIRENJE KAPACITETA I NOVA ULAGANJA

Predstavnici Ministarstva privrede Kantona Sarajevo i Agencije za promociju stranih investicija BiH (FIPA), posjetili su kompaniju Symphony d.o.o. i razgovarali s generalnim direktorom Memić Harisom na temu unapređenja poslovnog okruženja i regulatorne reforme, te jačanje konkurentnosti u Kantonu Sarajevo.

G. Memić upoznao je goste s radom i planovima kompanije Symphony d.o.o. za naredni period u pogledu proširenja proizvodnih kapaciteta, novih ulaganja i novih zapošljavanja, te istakao da postoji mogućnost za dodatno unapređenje i razvoj, posebno ukoliko bi došlo do veće podrške privrednim subjektima.



U INDUSTRIJSKOJ ZONI LUKE U ILIJAŠU OTVOREN POSLOVNI OBJEKAT ZA PROIZVODNJU BAČVI

Uz prisustvo velikog broja lokalnih zvaničnika, kupaca, dobavljača i italijanskih partnera protekle sedmice svečano je otvoren objekat firme Ezio Inox Ilijaš. Ezio Inox je firma koju su osnovali italijanski partneri i koja koristi italijansku tehnologiju za proizvodnju bačvi od nehrđajućeg čelika za skladištenje tekućih namirnica.

Osnovana je 2012. godine uz tehničku podršku i stručno znanje italijanske firme sa dugogodišnjim iskustvom u toj djelatnosti.



FERRETTO GROUP GRADI FABRIKU

Italijanska Ferretto Group gradi fabriku koja će na području općine Usora proizvoditi logističke sisteme, paletne regale i opremu za skladišta, kao i softvere. Prva faza ulaganja vrijedna je 7,5 miliona eura. Kompletna proizvodnja je namjenjena izvozu, a planirano je da nakon završetka svih radova u fabrici bude zaposleno oko 150 mladih ljudi.



ŠVICARSKI FORSTER ROHNER OTVORIO POGON NA ILIDŽI

Nakon stogodišnjeg djelovanja na polju izrade tradicionalnog tekstilnog veza i obrade i zuzetno profinjenog, te kvalitetnog tekstilog platna, švicarska firma Forster Rohner AG proširila je proizvodnju i naprostoru BiH, otvorivši firmu pod nazivom Forster Rohner d.o.o. Ilidža.

U ovom pogonu će se ručno i najednostavnim mašinama raditi specijalizirani proizvodi finog veza. Otvaranjem firme zaposleno je 22 radnika. Inače, radi se o tekstilnoj kompaniji sa stogodišnjom tradicijom koja širom svijeta zapošljava 800 ljudi, od toga 200 u Švajcarskoj.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identifikira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E,
KOJE SU BESPLATNE, KONTAKTIRAJTE NAS
DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars. The text is centered over the map.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA